

Angq Coux “Bet It” Haeuj Ranz-bing Yawjbingh Mbouj Aeu Ngaenz

喜迎“八一”义诊进军营

7 nyied 28 hauh, Ningzmingz Yen Yinzminz Yihsen ciu canghyw husw daengj bae diegcap bouxbing guh hozdung yawjbingh mbouj aeu ngaenz. Yienhciegz miz canghyw cam bingh、cimgiuj ywbingh、rau hezyaz daengj. Neix cienziep le aen cienzdongj miznaj yungjhu bouxbing、daih vunzndawranz bouxbing ndei, hoh Cunghgoz Yinzminz Gaijfanginh laebbing 95 hopbi.

(Cauh Yizganh/周贻刚 Nungz Yenyungz/农艳蓉)

► Canghyw caeuq gyoengq bing rau yezyaz.



▲ Mehmbwk senjdieg youq bakranz couh miz hong guh.

Sanhgyangh Caez Hwnq Sam Aen Suen Coi Couhnieb

三江同建三园促就业

7 nyied 27 hauh, youq Sanhgyangh Duncuz Swciyen, vunzlai senjdieg youq aen cangj bakranz guhhong. Gyawj geij bi neix, Sanhgyangh haenqrengz ciu bouxseng' eiq daeuj douz ngaenz、douz vunzcaiz、douz gisuz. Ngaih hwnqguh Aen Ranzmbanj Segih Nanzcan, ngaih hwnqguh fanh moux suen caz caeuq aen suen canjnieb swnghdai, hawj gyoengqvunz senjdieg youq bakranz couh miz hong guh.

(Gungh Bujangh/龚普康)

Fuconh:Mwh Fapceih Bungzdaengz Feihyiz

富川：当法治邂逅非遗

“Laj Byasaenaz Sahmujvanh, aen mbanj ndei ha souj gvigawj. Caeuq vunz ngaekngeu mbouj doxdawz, ei fap guhsaeh cawh huzndei.” Mboengqneix, Fuconh Yauzcuz Swciyen Sinhvaz Yangh Mbanj-sahmujvanh doxdax gaiq daih' it daemj saiva Yauzcuz caeuq eu fwen cienzdoh

faplwd. Singfwen rwenz raeuh, diuz dem diuz saiva daemj ok gij vah fapceih. Hozdung langhbaiz le dinfwngz feihyiz, hawj fapceih doekrag ndawsim vunzlai, lij yinx le mbanj boux hekyouz cawx saiva, bang vunzlai demsou baenzmiz.

(Lij Sezyiz/李雪仪 Ouhyangz Yij/欧阳宇)

► Doxdax sat le, fat ciengj hawj boux ndaej ciengj.



Aen Ban Sonlien Sawyauz Ginhsiu Hai Ban La

金秀瑶文培训班开班啦

Mboengqneix, Aen Hoilh Coicaenh Vwnzva Youzmenz Byayauz Ginhsiu caeuq Gvangsih Minzcuz Dayoz caez hai “Ginhsiu Yauzcuz Swciyen aen ban sonlien Sawyauz bi 2023”, miz samcib boux vunz camgya. Boux lauxsae Gvangsih Minzcuz Dayoz Banz Meijvah aeu mbanj cihsaw Yauzcuz guh laeh, sijsaeq son vunzlai baenzlawz sij Sawyauz, mbanj cihsaw youq dieg de baenzlawz

gangj, gij yijfaz dwg lawzyiengh daengj. Aen ban neix gungh guh roek ngoenz, sat le lij gaujsi dem. Neix hawj gyoengqvunz gangj Vahyauz gangj ndaej engq cinj, cix rox aeu Sawyauz Sawgun doxhoiz, cienziep、henhoh caeuq hwngfat gij vah caeuq vwnzva Ginhsiu, couqmaenh gij eiqsik caezcaemh Cunghvaz Minzcuz.

(Vuz Veihungz/吴汇鸿 Loz Haij-liengz/罗海梁)



▲ Gyoengqvunz nyinhcaen hwnjdangz.